

LEMBARAN PENDEDAHAN PRODUK

Pelanggan yang dihormati,

Lembaran Pendedahan Produk (PDS) ini menyediakan beberapa maklumat penting mengenai Insurans Tanggung Rugi Professional anda.

Pelanggan lain telah membaca PDS ini dan mendapati ia membantu; **anda juga harus membacanya.**

Tarikh:

1

Apa itu Insurans Tanggung Rugi Profesional?

Insurans Tanggung Rugi Profesional ini menanggung rugi anda terhadap sebarang tuntutan akibat pelanggaran tugas profesional anda dalam menjalankan pekerjaan anda yang timbul dalam lingkungan had wilayah selepas Tarikh Retroaktif yang dinyatakan di dalam Jadual Polisi.

2

Ketahui Perlindungan Anda

Sebagai ilustrasi, dengan pembayaran RM2,500.00 setahun, anda menerima perlindungan berikut:

| Polisi ini melindungi: | Polisi ini tidak melindungi: |
|--|---|
| <ul style="list-style-type: none"> • Tanggung Rugi Profesional – melindungi semua kerugian (ganti rugi, kos pembelaan atau kos perwakilan undang-undang) yang timbul daripada tuntutan terhadap anda atas liabiliti sivil yang berpunca daripada perkhidmatan profesional anda • Pemerolehan Automatik - memperluaskan perlindungan kepada anak syarikat anda • Perlindungan Berterusan – melindungi tuntutan yang timbul daripada salah laku atau keadaan yang sepatutnya dimaklumkan di bawah polisi terdahulu dengan Allianz • Pendahuluan Kos Kecemasan – melindungi kos pembelaan atau kos perwakilan undang-undang yang ditanggung tanpa persetujuan bertulis awal kami • Penipuan dan Ketidakjujuran – melindungi kerugian akibat tuntutan terhadap penipun atau ketidakjujuran pekerja-pekerja anda • Entiti atau Anak Syarikat yang Baru Dibentuk atau Diambil Alih – melindungi tuntutan di mana liabiliti disebabkan oleh tindakan salah anda semasa menjalankan perkhidmatan profesional atas nama usahasama (<i>joint venture</i>) • Kos Perwakilan Guaman – melindungi kos perwakilan undang-undang yang ditanggung berkaitan dengan sebarang siasatan (<i>inquiry</i>) • Kehilangan Dokumen-dokumen – memberi pampasan untuk perbelanjaan yang ditanggung dengan persetujuan bertulis awal kami untuk menggantikan atau memulihkan dokumen yang telah musnah, rosak atau hilang • Perunding Pakar – melindungi kerugian yang timbul daripada tuntutan terhadap salah laku perunding and sub-kontraktor anda | <p>Kerugian berkaitan dengan sebarang tuntutan yang timbul daripada perkara berikut:</p> <ul style="list-style-type: none"> • Asbestos • Kecederaan anggota badan atau kerosakan harta • Ketidakjujuran, penipuan atau kelakuan jenayah anda • Liabiliti kontrak anda • Kegagalan anda untuk membuat penilaian awal tepat tentang kos melaksanakan perkhidmatan profesional anda • Sebarang tuntutan terhadap anda dalam kapasiti anda sebagai pengarah, pegawai, pemegang amanah atau rakan kongsi • Kecederaan anggota badan, penyakit, atau kematian pekerja yang berlaku semasa bekerja atau untuk pelanggaran kewajipan anda sebagai majikan • Kebankrapan, pembubaran (<i>liquidation</i>), pentadbiran atau penerimaan (<i>receivership</i>) Syarikat yang diinsuranskan • Sebarang arahan atau usaha untuk menguji, memantau atau membersihkan baha pencemar, atau menilai Kesan bahan pencemar • Tindakan terdahulu yang berlaku sebelum Tarikh retroaktif atau tuntutan atau keadaan yang berlaku sebelum permulaan polisi ini • Hutang perdagangan • Tuntutan yang dibuat atau tertunggak di atau untuk menguatkuasakan penghakiman yang diperoleh di Amerika Syarikat atau Kanada • Perang, keganasan, pemberontakan, revolusi atau kekacauan awam |
| <p>Senarai ini tidak menyeluruh. Sila rujuk kepada kontrak polisi anda untuk butiran lengkap mengenai apa yang dilindungi dan tidak dilindungi.</p> | |
| <p>Tempoh perlindungan adalah setahun. Anda perlu memperbaharui polisi anda setiap tahun.</p> | |

Jika anda mempunyai sebarang soalan atau memerlukan bantuan mengenai Insurans Tanggung Rugi Professional kami, anda boleh:



Hubungi kami di
1 300 22 5542



Lawati kami di
<https://www.allianz.com.my/PI>



Emel kami di
customer.service@allianz.com.my



Imbas kod QR
diatas

3

Ketahui Kewajipan Anda

Jumlah premium yang anda perlu bayar mungkin berbeza bergantung pada keperluan pengunderaitan Allianz.

Untuk tujuan ilustrasi, andaikan anda adalah firma kejuruteraan dengan yuran professional tahunan sebanyak RM1,000,000, dengan had indemniti RM1,000,000 untuk mana-mana satu kejadian dan secara agregat, premium yang perlu dibayar adalah seperti berikut:

| | |
|--|------------------------------------|
| Perlindungan Asas | RM3,000.00 |
| Di mana ini termasuk: | |
| Komisen | 25% daripada premium atau RM750.00 |
| Anda juga perlu membayar yuran dan caj berikut: | |
| Cukai Perkhidmatan | 8% daripada premium atau RM240.00 |
| Duti Setem | RM10.00 |

* Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.

4

Maklumat Penting Yang Anda Patut Tahu

- Kewajipan penzahiran pra-kontrak bagi kontrak insurans bukan pengguna (menurut Jadual 9 di bawah Akta Perkhidmatan Kewangan 2013):
 - Sekiranya anda memohon insurans berkaitan dengan perdagangan, perniagaan atau profesion anda, anda mesti mendedahkan apa-apa perkara yang anda ketahui berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan.
 - Jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.
 - Jika sebarang maklumat yang telah diberikan adalah tidak tepat atau telah berubah selepas kontrak insuran dibuat, diubah atau diperbaharui oleh Allianz, anda mempunyai kewajipan untuk memaklumkan kepada Allianz dengan segera.
- Anda mesti memberi Allianz borang permohonan yang telah dilengkapkan, ditandatangani dan bertarikh dan maklumat-maklumat pengunderaitan lain yang diperlukan untuk penilaian kami.
- Anda mesti memastikan yang had liabiliti anda adalah memadai untuk melindungi pendedahan risiko anda.
- Anda mesti mengisytiharkan anggaran tepat yuran tahunan kasar dan pengalaman tuntutan anda
- Polisi ini adalah berasaskan 'tuntutan yang dibuat'. Ini bermakna kami akan menanggung tuntutan yang difailkan semasa tempoh insurans, walaupun salah laku yang menimbulkan tuntutan tersebut berlaku lebih awal, asalkan salah laku tersebut dilakukan selepas tarikh retroaktif yang berkaitan.
- Syarat Tarikh Retroaktif – Apabila tarikh retroaktif dinyatakan di dalam jadual polisi, insurans ini tidak akan terpakai ke atas tuntutan-tuntutan yang dibuat terhadap anda disebabkan sebarang tindakan, ralat atau ketinggalan yang dilakukan atau dikatakan dibuat telah berlaku sebelum Tarikh Retroaktif itu.
- Waranti Premium– Premium perlu dibayar dan diterima oleh Allianz dalam masa enam puluh (60) hari dari tarikh permulaan polisi insurans. Jika tidak, polisi ini akan terbatal secara automatik dan Allianz berhak menerima premium pro-rata 60 hari bagi tempoh Allianz menanggung risiko di bawah polisi ini.

?

Bolehkah saya membatalkan polisi saya?

Anda boleh membatalkan polisi ini dengan memberi notis bertulis kepada Allianz, dengan syarat tiada notis tuntutan atau keadaan munasabah dijangka menimbulkan tuntutan telah diberikan kepada Allianz. Allianz berhak untuk mengekalkan sebahagian premium yang dikira berdasarkan kadar pendek biasa Allianz. Polisi ini juga boleh dibatalkan dengan persetujuan bersama antara anda dan Allianz.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Allianz General Insurance Company (Malaysia) Berhad atau PIDM (layari www.pidm.gov.my).